

續修四庫全書

《續修四庫全書》編纂委員會編

續修四庫全書

上海古籍出版社

一〇六・經部・禮類

禮記釋注四卷 (清)丁晏撰……………一

禮記鄭讀考六卷 (清)陳壽祺撰 (清)陳喬樞述……………六五

禮記質疑四十九卷 (清)郭嵩燾撰……………二一一

禮記鄭讀考一卷 (清)俞樾撰……………五九五

讀小戴日記一卷 (清)于豐撰……………六一七

禮記識二卷 廖平撰……………六三五

2267/06

禮記釋注

〔清〕丁晏撰

據復旦大學圖書館藏清咸豐二年聊城海源閣刻六藝堂詩禮七編本影印原書版
框高一八四毫米寬二五六毫米

禮記釋注 四卷

禮記釋注敘

庚辰之秋自都還里杜門卻掃取禮記四十九篇細釋讀之因據唐石經及衛正叔集說按正經注訂謬補說占注質奧孔疏所不能詳者復旁攷諸書疏其疑滯自秋徂冬其積得若干條藏諸篋衍壬午夏齋居多閒始取舊藁編錄成帙其與前人闡合者刪之亦有先儒所已言而重著之者必其論辨加詳足以相舊說之所不及而後存之然皆標姓氏於前而以鄙案附於後郭象齊邱之爲蓋深恥之也錄既畢題曰禮記闡注劉君孟詹語余曰賈公彥儀禮周禮疏皆稱釋曰謂釋鄭注也今子亦解釋鄭意何不禮記釋注

敘

日釋注余臆其言遂易今名壬午夏四月二十五日淮安

山陽丁晏自序

禮記釋注卷一

淮安山陽丁晏學

曲禮

以箕自鄉而扱之注扱讀曰吸謂收箕時也 案說文手部扱收也从手及聲

奉席如橋衡注橋井上樺棹 案莊子天地篇鑿木爲機

後重前輕挈水若抽數如沃湯其名曰棹釋文棹本又

作橋淮南子主術訓橋直植立而不動俛仰取制焉高

誘注橋桔槔上衡也說苑反質篇云爲機重其後輕其

前命曰橋終日溉韭百區不倦御覽宗親部引說苑作

機

命曰桔槔是鄭氏以前並謂橋爲桔槔後人訓爲橋槩

失之

斂髮毋搖注髮或作髻 案小宗伯注故書肆爲肆小子

注後鄭注讀肆爲髻髻與髮同古聲近之字多假借也

不同梳櫛 案釋文作地衣架也說文無梳字新附有之

慈深處末注涑烝慈也 案釋文涑作潔是唐石經避世

字諱改作涑字又作藻廣韻十三祭藻餘制切烝也又

慈葉也

毋吃食注嫌薄之正義曰謂以口舌中作聲也似若嫌主

人之食也 案釋文吃叱吃也說文口部吒噴也叱怒

也从口毛聲玉篇引禮記毋吒食吃同上

良者舉未醢注盡爵曰醢 案說文西部醢飲酒盡也从

酉省省聲毛詩卷耳正義引韓詩說曰爵盡也白虎通

說爵祿曰爵者盡也又說文水部灇盡也欠部灇盡酒

也古从焦之字與從爵之字多通用故皆取盡意

羹之有菜者用桼注桼猶箸也今人或謂箸爲桼提 案

提當讀爲匙說文匙匕也从匕是聲又作提玉篇提匕

名方言曰匕謂之匙蘇林注漢書曰北方人名匕曰匙

漢地理志朱提應劭曰提音時北方人名匕曰匙釋元

應十誦律音義引通俗文匕或謂之匙方言作提同

匙

進戈者前其鐏後其刃進矛戟者前其鐏注鐏底曰鐏取

其鐏也平底曰鐏取其鐏也 案說文金部鐏矛戟鐏

下銅鐏也从金亨聲鐏柲下銅也从金鐏聲小戎毛傳

鐏鐏也淮南子原道訓猶鐏之與刃刃難犯而鐏無患

者何也以其託於後位也

急繕其怒注繕讀曰勁 案周禮夏官繕人鄭注繕之言

勁也宋楊伯岳九經補韻繕吉政反

左右攘辟注攘卻也或者攘古讓字 案漢書禮樂志盛

揖攘之容顏注攘古讓字說文言部讓責讓也攘推也

古推讓字皆作攘廣韻攘文字指歸云揖攘

爲其拜而菱拜注菱猶詐也正義曰菱挫也一云詐也言著甲而拜形儀不足似詐也 案廣韻三十九過菱則臥反又詐也經典作菱陸氏釋文引盧本作躄公羊僖三十三年傳何休解詁云介冑不拜爲其拜如躄與盧植本同

國君不乘奇車注奇車獵衣之屬 正義隱義曰獵車之形今之鉤車是也衣車如鼈而長也漢桓帝之時禁臣下乘之 案劉熙釋名衣車前戶所以載衣服之車也獵車所乘以畋獵也漢書宣帝紀太僕以輪獵車奉迎龜孫文穎曰輪獵小車

禮記釋注

卷一

三

立視五嶺注嶺猶規也謂輪轉之度嶺或爲嶺正義嶺規聲相近 案爾雅釋鳥嶺周郭注子嶺鳥形疏今謂之子規是也釋文嶺音規孔謂嶺規聲近得之漢地理志越嶺郡師古曰嶺音先菜反

國中以策彗卹勿釋文勿音沒 案古勿字讀如沒玉篇勿古文沒字釋詁沒勉也郭注猶勉漢書劉向傳引詩勉勉從事作密勿

大夫則綬之注綬讀曰安 案士相見禮安而後傳言注古文安爲綬毛詩鴛鴦福祿綬之釋文綬音士果反集古錄楊南仲釋周鼎銘曰安字說文無之蓋古綬字省

糸爾其後相承讀如婿故安疑讀爲綬

苞屨注苞薦也齊衰薦蒯之非也 案喪服子夏傳曰疏屨者薦蒯之非也文選上林賦注引張揖曰苞薦也踰竟爲壇位釋文壇徐音善注同 案周禮大司馬鄭注壇讀如同壇之壇書亦或爲壇

素縗注縗覆笄也或爲幕 案釋文縗本又作幘詩鄴韞淺幘毛傳幘覆式也孔疏幘字禮記作帟周禮幘字異而義同既夕禮白狗帟鄭注帟覆笄也以狗皮爲之取其膺也古文帟爲冪

禮記釋注

卷一

四

不蚤鬻注蚤讀爲爪 案攷工記眠其綆欲其蚤之正也不蚤鬻注蚤讀爲爪 案攷工記眠其綆欲其蚤之正也鄭注蚤當爲爪士虞禮沐浴櫛搔鬻鄭注搔當音爪今文曰沐浴搔鬻或爲蚤鬻鬻或爲鬻告喪曰天王登假釋文假音遐 案列子黃帝篇帝登假注假當作遐說文是部無遐字古通作假

天子之妃曰后諸侯曰夫人大夫曰孺人士曰婦人庶人曰妻注后之言後也夫之言扶孺之言屬婦之言服妻之言齊 案釋名釋親屬后後也言在後不敢以副言也夫扶也扶助其君也孺屬也婦服也服家事也齊也夫賤不足以尊稱故齊等言也

雞曰翰音 案說文鳥部翰字注魯郊禮以丹雞祝曰以

斯翰音赤羽去魯侯之咎

稷曰明粢正義曰隋秘書監王劭勸晉宋古本皆無稷曰明粢句立八疑十二證以爲無此一句爲是爾雅以粢爲稷士虞禮曰明齊洩酒鄭注云或曰明齊當爲明視謂免腊也今文曰明粢粢稷也王劭既背爾雅之說又不見鄭元之言苟信錯書妄生同異改亂經籍深可哀哉釋文稷曰明粢一本作明梁古本無此句 惠氏棟周禮古義曰大祝注引曲禮曰牛曰一元大武豕曰剛鬣羊曰柔毛雞曰翰音黍曰薺合梁曰薺其稻曰嘉蔬無稷曰明粢句又獻帝宗廟祝報辭所薦一元大武黍

禮記集說

卷一

五

毛剛鬣商祭明粢香合嘉蔬鹹醢豐本而不及明粢蔡邕獨斷載祭宗廟禮牲之別名皆與曲禮同獨無稷曰明粢一句 晏案續漢書祭祀志注引丁字漢儀有桓帝祠恭懷皇后祝文曰敢用粢牲一元大武柔毛剛鬣商祭明視薺其嘉薦普淖醢醢豐本明粢亦用明粢文王劭說未可盡信惠定宇謂大祝注無此句然禮運作其祝號疏引大祝齋號注若稷曰明粢則周禮注有此一句是孔賈所見本亦異通典吉禮七引稷曰明粢唐石經亦有此句

庶人之摯匹注說者以匹爲薦 案白虎通文質篇引曲

禮曰庶人之摯疋疋謂鷩也士相見禮鄭注庶人之摯鷩周禮大宗伯以禽作六摯庶人執鷩

檀弓

檀弓免焉釋文免音問 案記中袒免之免並音問字或作絕左傳哀二年使太子綽釋文音問喪冠也又內則免蕘釋文音問新生曰免桓五年左傳文公子佗殺太子免而代之釋文免音問是免字古有問音程泰之謂免不當音問無乃夏蟲之見乎

何居注居讀爲姬姓之姬齊魯之間語助也 案易繫辭

下則居可知矣釋文引鄭元王肅云居音基史記宋微

禮記集說

卷一

太

子世家裴駰注引鄭元曰其語助也齊魯之間聲如姬禮記曰何居左傳成二年誰居釋文居音基語辭也列子黃帝篇云姬魚語女張湛注姬音居魚當作吾陸佃謂居讀如字爲不識古音矣

昔者文王舍伯邑考而立武王注文之立武王權也 案

淮南子汜論訓文王舍伯邑考而用武王非制也注伯

邑考武王之兄廢長立聖以庶代嫡聖人之權也

故孔氏之不喪出母自子思始也註記禮所由廢非之

案淮南說山訓曰孔氏不喪出母此禮之失者

順乎其至也注順至也釋文順音懇惻隱之貌 案攷工

記斂人注鄭司農讀頤爲懇

於是封之崇四尺注高四尺蓋周之士制 案周禮冢人

疏引春秋緯天子墳高三仞諸侯半之大夫八尺士四

尺鄭說本此

爾來何遲也曰防墓崩注言所以遲者修之而來 案漢

書劉向傳諫起昌陵疏曰孔子葬母於防稱古墓而不

墳曰某東西南北之人也不可不知也爲四尺墳遇雨

而崩弟子修之以告孔子孔子流涕曰吾聞之古者不

修墓蓋非之也鄭氏謂修之而來本子政語意

有虞氏瓦棺夏后氏塋周般人棺柳周人牆置嬰 案淮

禮記釋注

卷一

七

南子汜論訓有虞氏用瓦棺夏后氏塋周般人用柳周

人牆置嬰注瓦棺陶瓦以瓦廣二尺長四尺側身累之

以蔽土曰塋周周人兼用棺槨故牆置嬰狀如要扇畫

文插置棺車箱以爲飾多少之差各從其爵命之數自

虎通崩薨篇虞尙質故用瓦夏后氏益文故易之以塋

周謂塋木相周故無膠漆之用也般人棺槨有膠漆之

用周人浸文牆置嬰加巧飾

子蓋言子之志於公乎注蓋皆當爲盍 案唐石經作盍

依鄭氏改孟子蓋祿萬鍾音義引張鑑音丁公著音並

云蓋音盍

馬驚敗績釋文作馬驚敗一本無驚字 東萊呂氏曰

文無績字案乘邱之戰魯勝也無敗績之事但當時止

是馬驚敗耳

畏注非罪攻已而死 案白虎通喪服引此文云畏者兵

死也通典八十三凶禮引盧植曰畏者兵刃所殺也並

與鄭同王肅謂犯法獄死失之

子思之哭嫂也爲位 案子思之母死於衛正義引張逸

問舊儒世本皆以孔子後數世皆一子禮適子爲父後

爲嫁母無服檀弓說子思從於嫁母服何鄭答曰子思

哭嫂爲位必非適子或者兄若早死無繼故云數世皆

禮記釋注

卷一

八

一子康成此說最允皇氏謂原憲字子思無乃失之巧

梁木其壤 困學紀聞曰家語終記云梁木其壤吾將安

杖檀弓無此四字或謂廬陵劉美中家古本禮記有則

吾將安仗五字蓋與家語合 案家語偽書不足信王

肅竊改經文往往若此正義曰梁木哲人總云吾將安

放則唐本無此五字高麗本亦有則吾將安仗五字皆

出好事者傳會

公西赤爲志焉注志謂章識 案保章氏鄭注云志古文

識釋名言語識識也有章幟可按視也漢書王莽傳旌

旗表識師古曰識讀與幟同說文無幟字新附有之
 子夏既除喪而見子之琴和之而不和彈之而不成聲作
 而曰哀未忘也先王制禮而弗敢過也子張既除喪而
 見子之琴和之而和彈之而成聲作而曰先王制禮不
 敢不至焉 案毛詩素冠傳子夏三年之喪畢見於夫
 子援琴而絃衍衍而樂作而曰先王制禮不敢不及夫
 子曰君子也閔子騫三年之喪畢見於夫子援琴而絃
 切切而哀作而曰先王制禮不敢過也夫子曰君子也
 說苑修文篇亦載此文與毛公傳同孔穎達謂當以詩
 傳爲正

禮記釋注

卷一

九

喪事欲其縱縱爾注縱讀如摠領之摠 案漢書禮樂志
 騎沓沓般縱縱孟康曰縱音總
 是故竹不成用瓦不成味注竹不可善用謂邊無膝味當
 作沫沫讀也正義謂竹器邊無膝緣也 案士喪禮兩
 簋無膝鄭注膝緣也白虎通三教引竹器不成用木器
 不成斲瓦器不成沫鄭氏改味作沫與班孟堅同 漢地
理志
 益州郡味縣
 孟康曰音味
 宮中無相以爲沽也注沽猶略也 案釋文沽音古廣韻
 十姥沽古並公戶切周禮司兵注功沽上下疏沽謂廢
 惡者

縣棺而封注封當爲窆窆下棺也春秋傳作塋 案王制
 庶人縣封曾子曰既封而歸雜記下既封而退喪大記
 凡封用綽去碑負引君封以衡鄭注並讀爲窆周禮遂
 人鄭司農注窆謂下棺時禮記謂之封春秋謂之塋皆
 葬下棺也聲相似易繫辭傳不封不樹李氏集解引虞
 翻曰封古窆字也說文土部塋喪葬下土也从土朋聲
 春秋傳曰塋而塋禮謂之封周官謂之窆董道廣川書
 跋曰元祐二年永城下得石如豐碑其上刻銘曰沛國
 臨淮時窆石室永建六年鄭眾曰窆謂葬下棺也讀如
 汜祭之汜左氏謂之塋禮記謂之封昔人謂其聲同也

禮記釋注

卷一

十

方以智通雅曰古泛亦通風凡亦生風故泛駕造更字
 音捧呂后傳曰自起泛孝惠后徐廣音捧今欲別封則
 轉聲爲塋可也王安石謂封爲復土閉瘞之名何用改
 爲窆彼烏能識字乎 儀禮既夕注
今文窆爲封
 有薦新如朔奠注重新物爲之殷奠 案釋名釋喪制朔
 望祭曰殷奠所用殷眾也
 衽每束一注衽今小要衽或作漆或作髹 案釋名釋喪
 制旁際曰小要其要約小也又謂之衽衽任也任制際
 會使不解也
 柏椁以端長六尺注以端題湊也正義鄭注方相職云天

子樟柏黃腸爲裏而表以石焉釋文題頭也湊聚也

案漢書霍光傳光薨賜便房黃腸題湊各一具蘇林曰以柏木黃心致累棺外故曰黃腸木頭皆向內故曰題湊

爵弁經紵衣注服麻不加於采此言經衍字也時人間有

弁經因云之耳 案白虎通崩薨引檀弓曰天子哭諸

侯爵弁純衣班氏引無經字鄭謂經爲衍字是也古純

與紵多通用

菽塗龍輅以樟正義曰菽叢也謂用木叢棺而四面塗之

案揚子太元云烏託巢於菽人寄命於公菽與叢同

禮記釋注

卷十

十一

蟻固不說齊衰而入見 案晉語昔少典娶於有蟻氏生

黃帝炎帝黃帝以姬水成炎帝以姜水成賈逵注有蟻

諸侯也王符潛夫論志氏姓魯之公族有蟻氏姬姓也

子顯以致命於穆公注盧氏云古者名字相配顯當作顯

案白虎通姓名篇聞名即知其字聞字即知其名若

名賜字子貢名鯉字伯魚盧子幹謂名字相配是也說

文鞮本作顯顯即顯之省文

謂爲俑者不仁注俑偶人也 案淮南子說山訓魯以偶

人葬而孔子歎

男子西鄉婦人東鄉注夾羨道爲位釋文羨徐音賤音義

隱羨車道 案史記衛世家共伯入釐侯羨自殺索隱

曰羨音延墓道與經文葬及墓正合陸氏引音義隱謂

車道非也下公室視豐碑正義曰案春秋天子有隧以

羨道下棺

我喪也斯沾注斯盡也釋文斯音賜 案皇矣王赫斯怒

釋文引鄭康成音賜儀禮鄉飲酒禮斯禁釋文引劉昌

宗斯音賜

咏斯猶注猶當爲搖聲之誤也秦人猶搖聲相近 惠棟

白爾雅云繇喜也郭璞曰咏斯猶猶繇也古今字耳

案史記吳世家子周繇立正義曰繇音遙又音由玉篇

禮記釋注

卷十

十一

遙又音弋周切音與猶近

舞斯愔愔斯戚釋文愔斯戚此喜愔哀樂相對本或於此

句上有舞斯愔一句並注皆衍文 案經文由喜而五

變迄舞由愔而五變迄踊文字截然整齊不當有舞斯

愔句正義謂鄭諸本亦有無舞斯愔一句者與陸氏所

見本合此三字當爲衍文

杜黃自外來注杜黃或作屠蒯正義曰春秋作屠蒯聲相

近 案漢書古今人表亦作屠蒯 集韻十一模杜姓也

通作屠

杜黃洗而揚解注禮揚作騰揚舉也騰送也揚近得之

案燕禮升腹觶於賓鄭注腹送也讀或爲揚揚舉也

陳子車死於衛注齊大夫 案田陳古音同故知爲齊大夫鄭注論語謂陳司敗爲齊大夫亦此意也

公室視豐碑注豐碑斲大木爲之形如石碑於槨前後四角樹穿中於間爲鹿盧下棺以綵繞天子六綵四碑前後各重鹿盧也 案釋名釋典藝碑被也此本葬時所設也施其纆以繩被其上引以下棺也又釋喪制縣下墳曰綵綵埒也徐徐埒下之也

曹桓公卒於會注魯成十三年曹伯廬卒於師是也廬證宣言桓聲之誤也 案左傳及史記曹世家俱作宣公

禮記集說

卷一

主

桓宣二字並從亘說文二部本作亘从二从囧古文同孫愐韻音烏緣切與宣音同通雅地輿云烏亘卽烏桓

齊莊公襲莒於奪注春秋傳曰杞殖華還載甲夜入且於之隧隧奪聲相近或爲覓 案廣韻十三末微古奪字說文攷強取也引周書攷攘矯虔今呂刑作奪宋棐機班馬字類云趙世家龍兌地名在易州音奪樊鄴傳作龍脫正義亦音奪又爾雅釋草活芡釋文字又作蔕徒活反釋魚釋文鮫大活反音並與奪同奪兌亦聲相近孺子贛之喪 案廣韻二十三魂贛他昆切魯公子名呂

覽去私云墨者有鉅子腹醇后秦高誘注辯讀曰車範之範卽範之異文

哀公欲設撥注撥可撥引轎車所謂紼 案釋名釋喪制從前引之曰紼紼者發也發車使前也古發撥聲近通用

請庚之注庚償也 案廣韻十二庚廣償也更償也史記

平準書悉巴蜀租賦不足以更之注更償也玉篇庚猶更也 周禮司弓矢弗用則更注更償也管子國蓄篇愚者有不庚本之事尹知章注庚猶償也

葬於麻博之間 案漢書劉向傳諫起昌陵疏夫麻博去吳千里季子不歸葬孔子往觀曰延陵季子於禮合矣

禮記集說

卷十

古

孟康曰隱蔽之財可見而已臣瓚曰謂人立可隱肘也小顏以瓚說爲是

廣輪揜坎注輪從也 案從卽從橫之從大司徒注云東西爲廣南北爲輪一切經音義引韓詩南北曰從東西曰橫

子思之母死於衛注姓庶氏 案史游急就篇庶霸遂顏師古注庶氏之先本出衛之公族以非正嫡遂號庶氏禮記曰子思之母死於衛庶氏之女也及春秋邾庶其來奔其後亦爲庶氏

是全要領以從先大夫於九京也注晉卿大夫之墓地在

九原京蓋字之誤當爲原 案晉語趙文子與以向游於九京韋昭注京當爲原九原晉墓地後漢書鮑期傳更始將卓京章懷注京或爲原東觀漢記作原古京原字通

文子其中退然如不勝衣注退或爲安 案易繫夫坤墮然示人簡矣釋文孟喜作退陸績董遇姚信作安退安聲相近

衣衰而繆經注衣當爲齋壞字也 案說文齋縵也从衣齊聲徐鍇繫傳曰禮齋縵字本從衣故爲衣壞字

王制

禮記釋注

卷一

五

公侯田方百里伯七十里子男五十里注春秋變周之文從殷之質合伯子男以爲一則殷爵三等者公侯伯也 案公羊桓十一年傳春秋伯子男一也何休解詁春秋改周之文從殷之質合伯子男爲一質家爵三等者法天之有三光也文家爵五等者法地之有五行也疏云質家以下春秋說文白虎通爵引含文嘉云殷爵三等周爵五等鄭此注亦本緯文

天子之二公之田視公侯 至 君十卿祿 案王符潛夫論班祿云夏殷二國之政先聖籍田有制當此之時也九州之內合三千里爾八百國其班祿也以上農爲正始

於庶人在官者祿足以代耕蓋食九人諸侯下士亦然中士倍下士食十八人上士倍中士食三十六人大夫倍之食七十二人小國之卿二於大夫次國之卿三於大夫大國之卿四於大夫食二百八十八人君各什其卿天子三公侯采視公侯蓋方百里卿采視伯方七十里大夫視子男方五十里元士視附庸方三十里案王符此篇言夏殷二國之政與鄭氏言殷制合

春曰昫注此蓋夏殷之祭名 案易萃卦孚乃利用禴釋文引馬融云禴殷春祭名鄭以春昫爲殷制亦本馬君非康成說也天保正義引禴昫志云王制記先王之

禮記釋注

卷一

六

法度宗廟之祭春曰禴周公制禮乃改夏爲禴名山大澤不以封注與民同財不得掌管亦賦稅之而已 案白虎通封公侯篇名山大澤不以封者與百姓共之不使一國獨專也 名山大澤不以昫注昫讀爲班 案聘禮昫肉及廋車鄭注昫猶賦也釋文昫音班

連有帥 案白虎通封公侯作連有李古字通用制三公一命卷注卷俗讀也其通則曰袞 案玉藻龍卷以祭注龍卷畫龍於衣字或作袞釋名釋首飾袞卷也畫卷龍於衣也字又作袞荀子富國篇天子袞褕衣冕

諸侯元衾衣楊注祿古朱字衾與衾同畫龍於衣謂之衾

賜圭瓚然後爲鬯未賜圭瓚則資鬯於天子 案白虎通

引王制賜圭瓚然後爲鬯未賜者資鬯於天子古鬯與

鬯通雜記上鬯曰以梅正義鬯謂鬱鬯也漢禮樂志注

鬱古暢字

天子曰辟廱注廱和也所以明和天下 案靈臺正義引

韓詩說言辟廱者取其廱和也是鄭注所本鄭氏先通

韓詩注禮時多據韓說未得毛傳故與箋詩不同

天子殺則下大綏諸侯殺則下小綏注綏當爲綏 案詩

禮記釋注

卷十

七

韓□云淑旂綏章毛傳綏大綏也釋文綏本亦作綏車

攻毛傳云天子發抗大綏諸侯發抗小綏釋文綏本亦

作綏同說苑修文篇云天子殺則下大綏諸侯殺則下

小綏大夫殺則止佐舉佐舉止則百姓收獵劉子政在

康成前字亦作綏足徵鄭君改字確有據依矣

雕題交趾注交趾足相鄰浴則同川臥則偁 案攷工記

玉人兩圭五寸有邸鄭注有邸偁其本也賈疏亦一玉

俱成兩圭尺相對爲偁也說文作舛對臥也从尺匕相

背玉篇偁同舛相背也白虎通禮樂引作雕踞交趾

西方曰狄踞注今冀部有言狄踞者 案漢書司馬相如

傳狄踞之倡韋昭曰狄踞地名在河內

卿大夫元士之適子 案白虎通辟雍引作嫡子

肱股肱注謂擻衣出其臂脰 案釋文擻依字作擻字林

云擻擻臂也先全反儀禮士虞禮鉤袒注如今擻衣也

廣韻二仙揎手發衣也擻同

假於鬼神時日卜筮以疑眾殺注今時持喪葬築蓋嫁取

卜數文書使民倍禮違制 案漢藝文志雜占形法諸

家則知漢時術數之學紛如矣鄭氏此注真有功世道

之言後之人拘畏多忌自蹈於倍禮違制亦見其惑也

已

禮記釋注

卷十

太

七十致政 案白虎通致仕引王制曰七十致政卿大夫

老有盛德者留賜之几杖不備之以筋力之禮在家者

三分其祿以一與之所以厚賢也

月令

其日甲乙注乙之言軋也 案說文乙象春草木冤曲而

出陰氣尙彊其出乙乙也釋名乙軋也自抽軋而出也

其祀戶注祀戶之禮南面設主於戶內之西 案正義謂

鄭據中霤禮蔡邕獨斷曰祀戶之禮南面設主於戶內

之西亦本中霤禮文

獺祭魚注此時魚肥美獺將食之先以祭也 案呂覽高

注獺猶水禽也取鯉魚置水邊四面陳之世謂之祭魚
鴻雁來注今月令鴻皆爲候正義曰月令出有先後入禮
記者爲古不入禮記者爲今則呂氏春秋是也 案呂

氏春秋孟春紀作候雁北淮南時則訓同

以迎春於東郊注王居明堂禮曰出十五里迎歲 案此

篇鄭注又引王居明堂禮帶以弓韞禮之祿下其子必

得天材季春出疫於郊以攘春氣毋宿於國中秋九門

磔攘以發陳氣禦止疾疫仲秋農隙民畢入於室曰時

殺將至毋穰其災季秋除道致梁以利農也孟冬之月

命農畢積聚繫收牛馬季冬命國爲酒以合三族君子

禮記釋注

卷一

九

說小人樂卽漢志禮家明堂陰陽之文也又伏生鴻範

五行傳曰季春之月出疫於郊以禳春氣仲秋之月乃

令民收穰庶乂畢入於室曰時殺將至毋穰其苗季秋

之月除道成梁以利農夫孟冬之月畢積聚繫牛馬收

澤賦季冬之月命國爲酒以合三族君子說小人樂與

王居明堂禮合伏生在秦時古逸禮猶未亡也

審端徑術注術周禮作遂 案學記術有序注術當爲遂

聲之誤也水經注引作遂有序左傳文十二年秦伯使

術來聘公羊及漢五行志並作遂定之方中釋文引鄭

志云述讀如遂事不諫之遂

掩骼埋胔注骨枯曰骼肉腐曰胔 案呂覽作掩骼羶骸
注骸讀水物漬之漬白骨曰骼有肉曰骸說文骨部骸
字注引明堂月令掩骼種醢或从胔周禮蜡氏注引亦

作醢

首種不入注舊說首種謂稷 案淮南子時則訓注百穀

惟稷先種故曰首稼不入淮南注或謂許慎撰在鄭君

之先故云舊說

以大牢祠於高禩 案毛詩生民傳作郊禩呂覽注云媒

氏祭其神於郊謂之郊禩郊音與高相近故或言高禩

角斗甬注甬今斛也 案呂氏作斗桶說文桶木方斛也

禮記釋注

卷一

十

木方受六斗从木甬聲廣雅桶甬也方斛謂之桶史記

商君傳平斗桶桶甬古通用

寢廟畢備 案呂氏畢作必同音假借攷工記玉人注必

讀如鹿車繹之繹玉篇琕古文作琕

天子乃鮮羔開冰注鮮當爲獻聲之誤也 案呂覽鮮作

獻毛詩七月箋引月令亦作獻羔開冰爾雅釋山小山

別大山鮮公劉陟則在巘傳小山別於大山也鮮獻聲

相近

田鼠化爲鴛鴦注鴛毋無正義曰鴛鴦毋爾雅釋鳥文舍人

云毋作無毋當作牟謂牟無也聲轉字異牟字作毋

案郊特牲毋追釋文音牟釋名作牟追古牟無通用說文佳部駕牟母也从佳奴聲或从驚

田獵置罟羅罔畢鬴餒獸之藥毋出九門注鬴射所以自隱也天子九門者路門也應門也雉門也庫門也皇門也城門也近郊門也遠郊門也關門也今月令無罟

罟爲七 案呂覽作田獵畢弋置罟羅網餒獸之藥淮南作罟弋置罟羅罔餒獸之藥注餒罔之也九門與鄭

說同文選射雉賦徐爰注鬴者所隱以射者也戴勝降於桑注織紵之鳥 案呂覽作戴任淮南作戴鵲

注皆謂戴勝鵲轉字異實一物也

禮記釋義

卷十

圭

毋或不良 案呂覽淮南或作有毋有斬伐呂有作或其

有失時呂淮有作或鄭注論語曰或之言有也書洪範無有作好無有作惡呂覽引並作無或

毋或作爲淫巧以蕩上心注今月令作爲爲詐僞 案呂覽注一本作僞

其祀電注祀電之禮先席於門之東東面設主於電

案蔡邕獨斷曰祀電之禮在廟門外之東先席於門與西東設主於電也皆據中霤禮文與鄭氏合

命大尉贊榮俊正義曰蔡氏辨名記曰十人曰選倍選曰俊萬人曰衆 案白虎通聖人引禮別名記曰十人曰

選百人曰俊萬人曰衆古辨別通用皆逸禮記文也正

義稱蔡氏者謂蔡邕作月令章句引用此文此疏前後稱蔡氏甚多皆指蔡邕書也困學紀聞云春秋正義引

辨名記禮記正義引之以爲蔡氏似謂辨名記爲蔡氏所作未免誤會文意矣

命司徒巡行縣鄙 案呂覽巡作循行下文順彼遠方呂覽順作巡儀禮鄭注古文循作順

天子飲酎注酎之言醇也謂重釀之酒也春酒至此始成 案呂覽注酎春醞也左傳襄二十二年見於嘗酎與

執燔焉杜注酒之新熟重者爲酎嘗新飲酒爲嘗酎說

禮記釋義

卷十

圭

文西部酎三重醇酒也从酉从時省明堂月令曰孟秋

天子飲酎 大雩帝注雩吁嗟求雨之祭也 案祭法雩宗注雩之言

吁嗟也爾雅釋訓舞號雩也郭注雩之祭舞者吁嗟而請雨周禮女巫巫疏引鄭答臨碩難云董仲舒曰雩求雨

之祭吁嗟之歌是鄭注本於董生也 處必掩身毋躁注今月令毋躁爲欲靜 案呂覽作身欲

靜以身屬下讀 百官靜事毋刑注今月令刑爲徑 案淮南時則訓作徑可以升山陵 案呂覽淮南升作登古字通用後文登廟